



PEKELILING PENTADBIRAN
BILANGAN 70 TAHUN 2020

**PERGERAKAN STAF/PELAJAR/PEKERJA BUKAN
STAF/KONTRAKTOR/PELAWAT
DARI/KE ZON MERAH
DI UNIVERSITI TEKNIKAL MALAYSIA MELAKA**

Pejabat Pendaftar

18 Disember 2020 | 3 Jamadilawal 1442H

Disalinkan kepada:

Naib Canselor

Timbalan Naib Canselor (Akademik dan Antarabangsa)

Timbalan Naib Canselor (Penyelidikan dan Inovasi)

Timbalan Naib Canselor (Hal Ehwal Pelajar)

Penolong Naib Canselor (Jaringan Industri dan Masyarakat)

Penolong Naib Canselor (Pembangunan dan Pengurusan Fasiliti)

Pegawai-Pegawai Kanan

YDP Majlis Perwakilan Pelajar

UNIVERSITI TEKNIKAL MALAYSIA MELAKA

UTEM100-1/3/1(28)

18 DISEMBER 2020
3 JAMADILAWAL 1442H

PEKELILING PENTADBIRAN BIL. 70/2020

PERGERAKAN STAF/PELAJAR/PEKERJA BUKAN STAF/KONTRAKTOR/ PELAWAT DARI/KE ZON MERAH DI UNIVERSITI TEKNIKAL MALAYSIA MELAKA

1.0 TUJUAN

Pekeliling ini dikeluarkan bertujuan untuk memaklumkan kepada semua warga Universiti berkenaan Pergerakan Staf/Pelajar/Pekerja Bukan Staf/Kontraktor/Pelawat Dari/Ke Zon Merah Di Universiti Teknikal Malaysia Melaka (UTeM).

2.0 PELAKSANAAN DI UTeM

- 2.1 Merujuk kepada pemakluman dan pengumuman terbaharu daripada Menteri Kanan, YBM Dato' Sri Ismail Sabri bin Yaakob pada 5 Disember 2020 berkaitan kebenaran pergerakan rentas daerah dan negeri bermula 7 Disember 2020 kecuali kawasan PKPD.
- 2.2 Sehubungan dengan itu, bagi mengekang penularan COVID-19, **Universiti telah bersetuju pergerakan adalah seperti berikut;**
 - a. Staf UTeM **amat tidak digalakkan** untuk mengunjungi zon merah atau menerima mana-mana pelawat/tetamu yang datang dari zon merah. **Jika staf didapati bergejala dalam tempoh 14 hari selepas mengunjungi/menerima** pelawat/tetamu yang datang dari zon merah, **maka staf perlu ke Klinik Kesihatan yang berdekatan dengan segera bagi menjalani ujian saringan.**
 - b. Staf dan pelajar yang mempunyai kontak rapat kepada kes positif COVID-19 (Kategori A, B dan C) dikehendaki untuk memaklumkan

kepada Pusat Kesihatan Universiti dengan segera bagi tujuan saringan kesihatan. Berikut adalah kategori A, B dan C;

- i. Kategori A – Pesakit Positif COVID-19 , perlu berada di hospital dan layak mendapat Cuti Sakit;
 - ii. Kategori B – *Person Under Investigation* (PUI) - kontak rapat dengan A, perlu patuhi arahan kuarantin KKM dan layak mendapat Cuti Kuarantin; dan
 - iii. Kategori C – *Person Under Surveillance* (PUS) - kontak rapat dengan B, staf layak memohon untuk WFH.
- c. Pelajar yang berkeperluan untuk berada di kampus adalah diminta untuk mendapatkan kebenaran daripada TNC HEP (bagi tujuan penginapan pelajar) atau Dekan fakulti masing-masing dan perlu mematuhi SOP yang berkuat kuasa.

2.3 Pekerja Bukan Staf/Kontraktor/Pelawat adalah seperti berikut:-

- a. Pekerja Bukan Staf/Kontraktor/Pelawat dari kawasan yang diisytiharkan sebagai kawasan Zon Merah adalah **dibenarkan** untuk memasuki kampus UTeM dengan syarat perkara berkaitan diambil tindakan iaitu;
 - i. Semua Pekerja Bukan Staf/Pembekal/Kontraktor/Pelawat dari **zon merah** amat disarankan untuk menjalani *swab test* sebelum memasuki UTeM. Segala urusan dan kos ujian saringan tersebut adalah di bawah tanggungan majikan masing-masing; dan
 - ii. Majikan perlu memastikan pekerja yang memasuki UTeM dalam keadaan sihat dan tidak bergejala.

2.4 Jika didapati membuat deklarasi yang tidak benar, staf dan pelajar boleh dikenakan tindakan tatatertib dan boleh dikenakan pendakwaan di bawah Akta Pencegahan dan Pengawalan Penyakit Berjangkit 1988 [Akta 342].

2.5 Warga Universiti adalah diingatkan supaya patuh kepada 3C seperti disarankan oleh Kementerian Kesihatan Malaysia (KKM):-

- i. elakkan kawasan yang sesak (*crowded places*);
- ii. elakkan kawasan yang sempit (*confined space*); dan
- iii. elak sembang atau bertutur dengan jarak yang dekat (*closed conversation*).

2.6 Amalkan juga 3W iaitu:-

- i. kerap mencuci tangan dengan air dan sabun (*wash*);
- ii. sangat digalakkan memakai *face mask* di tempat awam atau jika bergejala (*wear*); dan
- iii. (*warn*) iaitu amaran dari KKM yang lebih berkonsep peringatan seperti elak bersalaman/bersentuhan, amalkan etika batuk dan bersin, lakukan aktiviti disinfeksi, duduk di rumah dan hanya keluar sekiranya ada urusan penting sahaja serta dapatkan rawatan segera jika bergejala.

2.7 Pihak UTeM akan terus memantau perkembangan wabak COVID-19 dan menyalurkan maklumat terkini dari semasa ke semasa. Warga UTeM diingatkan agar mendapatkan berita yang sahih mengenai wabak ini.

3.0 TARIKH DIKELUARKAN

Pekeliling ini dikeluarkan pada **18 Disember 2020**.

4.0 TARIKH KUAT KUASA

Pekeliling ini berkuat kuasa mulai **18 Disember 2020**.

5.0 PEMBATALAN

Pekeliling ini membatalkan Pekeliling Pentadbiran Bilangan 60 Tahun 2020 – Pemakluman Bekerja Dari Rumah (WFH) Bagi Staf Yang Tinggal Di Kawasan Perintah Kawalan Pergerakan Diperketatkan (PKPD), Perintah Kawalan Pergerakan Bersyarat (PKPB), Perintah Kawalan Pergerakan Diperketatkan

Secara Pentadbiran (TEMCO) Dan Kawasan Zon Merah Di Universiti Teknikal Malaysia Melaka yang dikeluarkan pada 13 Oktober 2020.

Sekian, terima kasih.

“BERKHIDMAT UNTUK NEGARA”

“KOMPETENSI TERAS KEGEMILANGAN”

Saya yang menjalankan amanah,



MASDZARIF BIN MAHAT
Ketua Pegawai Operasi
Universiti Teknikal Malaysia Melaka

sya/azrinakrisis/snd/bgpo